



Alþingi
Erindi nr. Þ 133/139
komudagur 13.11.2006

Alþingi, 13. nóvember 2006.

Fjárlaganefnd Alþingis.
Hr. Birkir Jón Jónsson, formaður.

Vísað er til bréfs yðar, dags. 5. október sl., þar sem óskað er eftir álitum allsherjarnefndar á frumvarpi til fjárlaga fyrir árið 2007. Álit meiri hluta nefndarinnar sendist yður hér með.

Vakin er athygli á því að einu erindi er vísað aftur til fjárlaganefndar, þ.e. umsókn Skotveiðifélags Íslands.

F.h. formanns umhverfisnefndar,

Selma Hafliðadóttir nefndarritari.

UMHVERFISNEFND

133. löggjafarþing 2006–2007.
Þskj. 0 — 0. mál.

Álit

um frv. til fjárlaga fyrir árið 2007 (14 Umhverfissráðuneyti).

Frá meiri hluta umhverfisnefndar.

Umhverfisnefnd hefur fjallað um þann hluta fjárlagafrumvarpsins sem er á málefnasviði nefndarinnar, sbr. 2. mgr. 25. gr. laga um þingsköp Alþingis, nr. 55/1991, og bréf fjárlaganefndar til umhverfisnefndar, dags. 5. október 2006.

Á fund nefndarinnar komu Hrafnhildur Þorvaldsdóttur frá umhverfissráðuneyti, Jón Gunnar Ottósson frá Náttúrufræðistofnun, Stefán Thors frá Skipulagsstofnun og Davíð Egilsson og Þórey Guðmundsdóttir frá Umhverfisstofnun.

Heildargjöld umhverfissráðuneytis árið 2007 eru áætluð 5.604 millj. kr. á rekstrargurnni og dragast frá sértekjur að fjárhæð 882 millj. kr. Gjöld umfram tekjur eru um 4.772 millj. kr. og af þeirri fjárhæð eru 2.619 millj. kr. fjármagnaðar með beinu framlagi úr ríkissjóði og 2.103 innheimtar af ríkistekjum. Rekstargjöld ráðuneytisins að frádregnum sértekjum eru áætluð 3.170 millj. kr. og hækka um 206 millj. kr. frá fjárlögum. Að launa- og verðlagshækkunum frátöldum munar þar mest um hækkun á útgjöldum Úrvinnslusjóðs um 130 millj. kr. Af öðrum verkefnum má nefna tillögu um 10 millj. kr. hækkun fjárveitinga til Umhverfisstofnunar vegna ýmissa verkefna og 8 millj. kr. framlag til Náttúrufræðistofnunar til gerðar náttúrufarskorta.

Í álit meiri hluta umhverfisnefndar til fjárlaganefndar við meðferð frumvarps til fjárlaga fyrir 2006 lagði meiri hlutinn áherslu á að fé þyrfti að veita til gerðar náttúrufarskorta, þ.e. jarðfræði-, gróðurfars- og vistgerðarkort fyrir landið. Í fjárlagafrumvarpinu er nú gert ráð fyrir því að sú 8 millj. kr. fjárveiting, sem veitt var tímabundið í framangreint verkefni á fjárlögum 2006, falli ekki niður heldur verði að varalegri fjárveitingu til áframhaldandi vinnu við gerð kortanna. Meiri hlutinn lýsir ánægju sinni með að áfram verði veitt fé til þessa verkefnis og vonast til að gerð kortanna ljúki innan þess tímaramma sem getið er í frumvarpinu, þ.e. á fimm árum.

Í frumvarpinu er gert ráð fyrir 5 millj. kr. fjárveitingu til að styrkja rekstrargrunn úrskurðarnefndar um skipulags- og byggingarmál. Helgast þessi fjárveiting af miklum fjölda mála sem safnast hefur upp hjá nefndinni og þarf nefndin af þeim sökum að fjölga starfsfólki. Meiri hlutinn telur óásættanlegt að enn sé allt að tveggja ára bið eftir úrskurði hjá nefndinni enda á þetta úrræði að vera til þess fallið að flýta fyrir málsmeðferð og vera til hagræðis fyrir borgarana.

Nefndinni hafa borist fimmtán umsóknir um fjárveitingu af safnliðum og gerir meiri hluti nefndarinnar að tillögu að þrjú þeirra fái styrk. Hins vegar vísar meiri hlutinn umsókn Skotveiðifélags Íslands til baka til fjárlaganefndar og telur rétt að verkefni félagsins heyrir undir þá fjárveitingu sem gerð er tillaga um í frumvarpinu á viðfangsefni 14-140-1.36 *Rannsóknir og útrýming á mink*. Meiri hluta nefndarinnar list vel á hugmyndir félagsins en

Það óskar eftir 3,6 millj. kr. vegna átaks sem það hyggst gera í eyðingu á ref og mink. Mikil fjölgun hefur orðið í báðum stofnum sl. 4-6 ár og fuglalíf látið á sjá vegna þess. Á fjárlögum sl. árs voru veittar 46,5 millj. kr. til sama viðfangsefnis og í frumvarpinu er nú gert ráð fyrir 48,3 millj. kr. til rannsókna og útrýmingar á mink. Meiri hlutinn telur eðlilegt að beiðni Skotveiðifélags Íslands rúmist innan þessa ramma.

Drífa Hjartardóttir skrifar undir álitid með fyrirvara þar sem hún á sæti í fjárlaganefnd.

Alþingi, 13. nóv. 2006.

Guðlaugur Þór Þórðarson,
form., frsm.

Kristinn H. Gunnarsson.

Drífa Hjartardóttir,
með fyrirvara.

Kjartan Ólafsson.

Sigurros Þorgrímsdóttir.

133. löggjafarþing 2006–2007.

Skipting safnliða.

Frá umhverfisnefnd.

Fuglaathugunarstöð Suðausturlands	1,5 millj.kr.
Umhverfissamtökin Blái Herinn	1,0 millj.kr.
Refasetur á Súðavík	0,5 millj.kr.